



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De incestuosis qui admonitiones sacerdotum contemnunt. xxix.

**urn:nbn:de:hbz:466:1-10722**

## Capitulum V.

Quinto gradu veniunt supra quidem atavus, atavia: infra adnepos adneptis: ex obliquo fratris & sororis, pronepos, proneptis: fratres patruales, sorores patruales: amitini, amitinae: consobrini, consobrinae filius, vel filia, proprius consobrinus, consobrina, id est, patrum magni, amitae magnae, avunculi magni, materterae magnae filius, vel filia. Quibus accrescunt propatruus, proamita. Hi sunt proavum materni frater & soror, proavunculus pro matertera. Hi sunt proavia paterna, maternaque; frater & soror, proavumque materni. Haec species, nec aliis gradibus quam scripta est, nec aliis vocabulis declarari potest.

## Capitulum VI.

Sexto gradu veniunt supra tritavus, tritavia: infra trinepos, trineptis: ex obliquo fratris & sororis, abnepos abneptis: fratres patruelis, sorores patruelis. Amitini amitinae, consobrini consobrinae. Patrum magni, amitae magnae, avunculi magni, materterae magnae. Neptos neptis proprios consobrini filius vel filia, qui consobrini appellantur. Quibus ex latere accrescunt propatrum, proamitae: proavunculi, pro materterae filius, vel filia, adpatruus, adamita. Hi sunt abavum paterni frater & soror, abavunculus, ab matertera. Hi sunt abavia paterna maternaque frater & soror, abavumque materni. Haec quoque explanari amplius non possunt, quam autor ipse differuit.

## Capitulum VII.

Septimo gradu, qui sunt cognati recta linea, supra infraque; pro propriis nominibus non appellantur, sed ex transversa linea continentur fratris sororis adnepos adneptis, consobrini filii, filiaeque; successionis. Idcirco gradus septem constituti sunt: quia ulterius per rerum naturam, nec nomina inueniri, nec vita succedentibus prorogari potest. In his septem gradibus omnia propinquitatum nomina continentur, ultra quos affinitas inueniri, nec successio potest amplius propagari.

De incestuosis qui admonitiones sacerdotum contem-  
nunt.

## Capitulum XXIX.

Incestuosi, paricidae, homicidae, multi apud nos prohibentur. Ex concilio Turoni. cap. 41: sed aliqui ex illis sacerdotum nolunt admonitionibus aurem accommodare, volentes in pristina

D. BURCHARDI. EPIS. VVORMAC.

nis perdurare criminibus: quos oportet per secularis potentiae disciplinam à tam praua consuetudine coerceri, qui per salutifera sacerdotum monita noluerunt reuocari.

*Quòd infra sextam generationem coniugia non fiant.*

Caput XXX.

*Ex concil. apud Cöfientiam cui interfuit Henricus & Carolus reges, cap. 1.*

**A**Nno dominicæ incarnationis, DCCCC. XXII. apud Confluentiam iussu venerabilium principum Caroli videlicet, & Henrici regum reuerendissimorum cõgregati sunt episcopi numero VIII. Hermannus Agrippinensis archiepiscopus, Herigerus Mogunticësis archiepiscopus, Thiedo Vvirceburgensis Episcopus, Luittharius Mindanensis episcopus, Doto Osneburgësis episcopus, Richgouuo Vvormaciensis episcopus, Richuuinus Strazburgensis episcopus. Vnuano Padebrunësis episcopus, cum abbatibus aliisq; sacri ordinis viris quamplurimis. Cap. I. qui ipso cooperante & sententias eorum confirmante domino nostro Iesu Christo in synodali residentes conuëctu, multa vtilia ac sanctæ Dei Ecclesiæ profutura saluberrimo tractantes consilio Inter cetera quæ statuerunt, hoc maximè necessarium, & instanti prohdolor tẽpore per abusioem frequentissimum cognationis incestum, summa cautela vitandum firmauerunt: Hoc est, ne vllus Christianus infra sextã generationem nuprias copulare præsumat.

Finis Libri Septimi.

*Sequitur figura Sancti Isidori Episcopi de Septem gradibus consanguinitatis.*

